

8. Bij afbeelding Reynaert II  
(kleurkatern X, nr. 1/t.o. pag. 360, nr. 1)

Dat dede my dat ic so verscoot  
Doch wil ic reynaert horen spreken  
Kan hy die ondaet van hem steken  
Die men seit dat hi heeft gedaen  
Ic laten ghern quijt gaen  
Ende meest om beden wil van sinen magen  
Ende hi docht myt herten zere  
God geef mijnre moeyen eere  
Sy heeft mijn rijsgen wel doen bloeyen  
Sy heeft wel aen mijn kar gecroegen  
Sy heeft my geboden wel die hant  
God danck dat sy den vont so vant  
Ic heb nv enen goeden voet  
Op te dansen bin ic vroet  
Ic wil nv selue zien wt mijn ogen  
Ende brengen voort veel schoon logen  
Die ye gehoort is ouerluut  
Om my te helpen self hier wt.  
Doe sprac hi heer coninc o wy  
Is kuwart doot wat zeg dy  
Ende wair is bellijn die ram  
Wat bracht hi v hier doe hi quam  
Want ic hem drie juwelen gaff  
Dair ic dat waer gern wist aff  
Wair dat sy sijn gebleuen

Dat een soude hi v hebben *gegeuen*  
Ende mijnre vrouwen die ander twee  
Bellijn en bracht ons myn noch mee  
Dan kuwarts hoeft al ic wilneer sprack  
Dat ic [superscript] vlusch op hem wrack  
Want ic hem dede nemen tlijff  
Want hi seide self die vuyt katijff  
Dat hi den raet dair toe had *gegeuen*  
Dat die brieue waren gescreuen